

湖  
海  
詩  
傳

湖海詩傳卷十六

青浦王 昶德甫輯

王鳴盛

字鳳喈號禮堂嘉定人乾隆十九年 殿試第二人及

第官光祿寺卿有耕養齋集

蒲陽山房詩話 禮堂以大考始林第一由編修擢內閣學士典試闕中以多用驛馬降光祿寺卿丁憂後不復出山移居吳下先時與惠松崖交深宏羣經古義著尚書後案及軍賦考皆闡發鄭君之說又爲十七史商榷據各史紀傳志表考其同異而折衷之更著越語編列說十門以見其學無所不該古文宗導皆震川詩兼綜三唐初爲沈文憲公入室弟子既而旁涉宋人歸田後復守前說於空桐大復鳳洲臥子及國朝漁洋竹垞咸服膺無間改雖轉益多師終歸大雅茲所錄者皆其手自審定竊以貽予者也

矯志篇

墙上難趨貧賤難工昨日健少今老成翁長繩繫日晚晚莫從壯盛智慧殊不再逢俯仰天地悲來填胸解驂騶捕鼠乃

不如狸鳳凰司晨乃不如雞秋蘭雖芬鮑肆問之明珠在泥  
皦皦何爲拔劍起舞拂衣旋歸解左控夏服右操黃閭趨趨  
狡兔掩以修竿命儒儒侶促坐爲歡投壺六博飛爵聞千清  
歌激楚妙舞婆娑解三思慕王喬研精軌道乘蹻遠遊經歷深  
杳僊人授藥還精補腦棗實如瓜桂實如棗排棄火粒後天  
而老解典冊法書藏在蘭臺雖遭亂潰獨不遇災志婣羣雅  
苑其鴻裁藏山入林蹈海鑿坏百世有知以俟方來解五

### 山遊叙志

習靜歸巖阿身世永相棄眷言陶嘉辰樓尋信遐寄黃英綠  
野秀蘭芳紫葦媚綠源極演漾曠渚渺空翠水上風行徐山  
下出泉細屯雲正滿眼孤煙杳無際曾崖隱天維登頓歷蒙  
翳出窈人冥間忽復造幽異峭蒨松磴陰滴瀝乳竇秘境往

情已遷言忘理成契養真誰爲同齊物自無累傾暉不戀人  
晚晚映衣袂逝將遊太元逍遙辨深意

東崦西崦

溪行忽無路回首暮煙合過橋湖水寬隔岸亂雲接圍繞玉  
鏡潭寒影衆峰集空色不可挽彩翠似堪拾拾東西崦幾重蕩  
漾舟一葉迢迢擅勝亭隱隱光福塔何處聞菱歌清唱自相  
答

入鄧尉山暮宿聖恩寺

蒼烟滿秋山落日生暮靄弭棹歷嶠嶺理策尋靈巖溪橋風  
泠泠寒流激空巖捫蘿長林迷跼步崖石礙微月墮幽澗俯  
見清光碎寺開知徑盡客至自雲外空堂響法鼓群動息香  
界慮澹不用遣深夜無夢寐欲謝區中緣攝生遠塵垢

江行

沙岸明夕陽楚江歇微雨時聞野寺鐘不辨烟村樹白鷺背  
人飛銜魚自來去

渡河瀝谿過寧國縣行亂山中

急湍橫我前欲行忽無路商人負茶薜喧喧此爭渡編筏資  
利涉千百排鴈鴛吾亦隨若曹絕流從所務山城殊僻陋暫  
憩不服顧合沓羣峰來登頓眩欲仆危岑造天關仄徑礙微  
步深谷多修篁陽景難久駐躋攀眼一豁始與平地遇林轉  
硤角回前嶺又餘怒畏塗迫頽齡顛倒作計誤坐石望歸雲  
故鄉良可慕

石鳧山

舒鳧本水禽塌翼同斥鴳忽作高舉形軒翥在雲漢我行入

山深險艱飽所憚茲峰尤卓詭疊巘挂天半鐵壁斷攀登綫  
路曲縈轉巖傾巨石出磔磔墮絕澗懸溜裂崖來千丈觸石  
戰殷地疑霆驚飛空類珠濺出谷見曦輪造頂識山面決吻  
復顧脰非鵝亦非鶴流傳寶子明大藥于此鍊蘊真迷遺塵  
白日生羽翰學仙苦未成愁辛旅顏變鴻駕空紫烟翹迹徒  
仰羨

家德甫三泖漁莊圖歌

吾家令弟非常儔蕭然窮巷百不憂忍饑誦經銷歲月閉門  
覓句工雕鏤草堂前對谷水流紅泉碧樹蒼山浮有時散髮  
扣舷去狂歌一曲凌滄洲竭來金閨數相見平生知我甘窮  
賤吹簫擊筑多故人十千沽酒同歡宴酒酣起舞首自搔當  
杯心共孤雲高丈夫生世不諧俗便當澗跡安蓬蒿故園况

復堪吟眺鏡裏晴嵐滿雲嶠扁舟已息漢陰機短筇將隨任  
公釣偶然遣畫垂綸圖撈鰕射鴨皆可娛嗟我落魄胡爲乎  
北燕南楚空馳驅蒼葦葭平波外何日相從陸瑁湖

雨泊江岸登天門絕頂

我從南楚浮歸艸中流浩蕩乘長風布帆高挂似飛鳥飄翩  
直指天門東插江翠壁相對出遙見突兀青濛濛削成疑自  
巨靈掌移置定出夸娥功須臾雲起飛雨集白頭怒浪掀孤  
篷舟師相呼入浦溆繫纜急傍菰蘆叢興來便攜九節杖思  
縱遠目開心胸游游絕澗闕亂石層層仄磴攀枯松振衣千  
仞發長嘯驚起鵬鵠盤高空峻嶒雨崖勢忽斷岷濤萬里流  
當中始知楚關此天險屹立一鎖洪波衝是時陰霞散晚霽  
江光隱見磨青銅欲從牛渚呼謫僊更向青山懷謝公東望

石頭互虧蔽迢迢天闕排龍嵒興亡六代付逝水人寰刺促  
悲安窮終當挹取玉漿飲上吸倒景騎飛龍

梁元帝廟行

青絲白馬圍臺城湘東萬騎歸江陵枕戈嘗膽徒虛語行師  
代景紛相乘長沙旣破同氣盡才子併命殊堪矜夏口已聞  
肆魚肉荆門復見除股肱胡豆洲前狂虜死登壇慷慨稱中  
興群僚累表頌符瑞爭誇紫氣交環紆當時文軌僅千里鄧  
都蕞爾良難憑如何建業不復顧欲取荆楚當殺暹殿中輟  
講冠已至枇杷門外愁雲凝龍文玉軸一朝毀拔劍擊柱空  
摧崩何年廟食尙遺迹三楹茅棟連溝塍殘碑蒼蘚巫覡斷  
無復社鼓來鑿鑿嗟哉章華亦漫滅況乃此地荒榛芳行人  
下馬一憑弔興亡過眼如風燈



夢遊岱嶽歌

我志窮十嶽身佩真形圖汶陽道上縱遠目突兀岱頂青模  
闕魯酒若琥珀絲繩提玉壺解鞍卽醉倒偃臥胡姬墟天風  
飄飄浮絕磴等我忽轉松蘿徑羅徑逼高寒蒼蒼十八盤漢  
策閭古字秦松馮哀湍振衣便覺凌紫極倚劒直欲生飛翰  
穹崖濺瀑多殊狀決背已在屑霄上碧霞四氣拱星辰青帝  
五雲開粵嶂崑嶂疊疊烟青青封中雲氣縷縷生安期一笑  
相逢迎如瓜之棗出啗我驂駕白鹿空中行天門訣蕩日觀  
巖從河流挂樹海色搖空蒼煙九點望不極合沓下見扶桑  
紅銀臺倒影火輪出驚回清夢仍相失風馬雲車乍有無丹  
梯翠壁看明滅應劭記李斯碑平生懷抱空好奇餐霞鍊藥  
不早決坐待蓬萊清淺始悔朱顏衰風塵回首驅征鐸惟聽

霜鐘殷巖壑萬里終當汗漫遊十年肯負煙霞約

范上舍塞北省親圖

一人紫綺青羔裘雕鞍側坐玉腕騶導以儼從連輕輦一人  
袴褶捲臂鞚蓬頭突鬢佩吳鉤停驂左顧欲進仍遲留主人  
戴笠披赤罽意氣凌厲凝雙眸問誰粉墨開金碧咫尺煙嵐  
浮几席軍中一范方專城公子思親事于役何甥謝舅亦肯  
從徑自江南趨塞北初出居庸關黃羊白草蒼崖間再度彈  
琴峽霜林岔道風蕭颯土木宣府都經過柳屯枳嶺征塵多  
迴瞻來處莽無際漸覺所歷高嵯峨羊腸一綫穿雲去亂石  
驚濤灑寒雨疊嶂摩天落日低崩榛匝地荒煙暮鳴鞭遙見  
飛狐口代郡孤城隱雲樹烽樓危旌凍欲折指點先朝備邊  
處六郡防秋有戰場三關設險空殘戍解裝一笑循南陔綵

衣舞罷欣徘徊遠慰頻年望雲志壯遊還上李陵臺郊原決  
滌平沙走埃火關榆重回首龍堆定有控弦兒雁磧應思射  
鵬手嗚呼男兒出門萬里輕樂事况復當趨庭功名會見繼  
老子自有胸中十萬兵

### 石鼓歌

太學戟門有石鼓長廊大厦深藏絨手摩妙墨剔苔蘚細讀  
古調同雲咸岐陽一蒐誇盛事遮羅雉兔兼磨巖作歌紀績  
用傳後萬夫鑒石來巖巖魯叟編詩偶不錄此豈有意相夷  
芟陳蒼野外棄置久剝落缺畫成纖纖其一作曰幸復出瓊  
包席裏封瑤函宣和之年保和殿森陰翳鬱飄松杉此鼓歸  
然珍襲好香厨冊府光芒銜自汴入燕竟無恙守護秘怪神  
所監置諸兩塾始皇慶近光作賦辭謫謫于今又閱四百載

文多中斷填空嵌蛟龍攫網怒鱗凸鸞鳳軒翥長毛三滄桑  
人歷彌可貴至寶豈特逾球域昌黎宛陵遞歌嘆雄章秀句  
窮鑄劉字文以下那辨此子卿妄語空譏讒我生金石有奇  
癖嗜好頗覺殊酸醎章樵潘廸施宿王厚吾薛尚鄭樵箋  
訓差能舉大凡揭來京國賸此鼓不負萬里穿征衫試觀字  
體異蚪蚪乃知梅賾言多僥我方欲辨壁書偽傳鈔禿筆勞  
秋幾

秋日集岡齡弟小停雲同顧景嶽諸君遲劉企三徐  
蔭林不至

黃金可成百不憂霜髯欲挽嗟無由但願春秋多佳日勝侶  
共賦逍遙遊服除尙餘風木慟臯魚淚點不得收京華路遠  
坭車轍誓墓且復依林邱小謝西堂多藻思拍肩把袂偕虎

頭意行看竹不問主長歌短咏聊相酬憶昔少年托廡下平  
江胥口恒淹留今來徑署寓公號賃居竊擬營菟裘官名自  
喜樂圃繼寄跡定許怡菴儔入門盤門最僻左雅稱簞笠來  
探幽高齋况仿紅欄里恰宜坐雨兼尋秋比來詞賦作者盛  
體格漸恐翹俳優春華競工秋實少更傳鉛粉窮雕鏤讀書  
自是我輩事流光可惜同蜉蝣肯徒洒食事徵還要須高步  
追前修當筵意氣互期許我歌子和商聲謳忽憶劉郎方示  
疾丈室宴坐多窮愁心情縱令木石似談笑尙却熊羆不城  
北徐公別亦久不見籬畔維輕舟何時眼中得二士比鄰來  
往成風流

遊道場山

吳興城南天下稀白波翠巖相因依道場一峰更巉絕梵宮

高下開林扉我舟斜穿夾山漾霜冬澹日寒熹微到山谿盡  
山滿眼盤空細路衝烟霏羊腸龜背互詰屈石稜松鬣紛成  
圍山腰亭子敞北戶具區萬頃環灣碕清池一方浮湛湛傑  
閣百仞凌巍巍謁公開山此駐錫香嚴水觀甘忘機階前不  
啞啞虎菩簷際共命仙禽飛裨官謬悠那可信共詫神異先  
知幾更將卓筆誇秀鎮浮榮似令山增輝豈知道人外生死  
俗物祇足供嘲唏吾生漫浪百無用風塵回首辭籠鞶寡聞  
惟持茗帚偶壞色欲服掃塔衣天花一室道場在把茅作計  
終無違下山瞥見翠微遠樹杪白雲翳欲歸

題吳興城南水閣

清暉當戶生終日對虛明曉漲雲浮岸春山翠壓城捲簾雙  
燕入隱几一琴橫曾得閑中趣臨流更濯纓

夜歸

犬吠竹籬外，燈明草屋中。夜潮隨月上，孤棹隔溪通。稚子候門久，家人酌酒同。夜闌如夢寐，相對慰飄蓬。

天門

白浪天門斷，千崖杳莫攀。登鱸一長嘯，遙見謝公山。我欲浮湘去，行吟楚澤間。今宵對明月，把酒慰離顏。

歸次蕪城懷錢曉微

遠客辭巫峽，孤帆一葉輕。春江花月夜，獨宿廣陵城。念爾燕臺去，迢迢匹馬行。差池不相見，惆悵若爲情。

懷鄧尉

峴嵐淡靄映湖光，回首清遊興未忘。一徑松陰秋入畫，三層水閣夢生涼。風帘雲碓宜晴日，澗草巖花出異香。惆悵軟紅

欺客袂幾時洞口結書堂

登黃鶴樓

萬里江天煙霧開上頭棟宇鬱崔嵬荆門曉色當窗盡滙浦  
春濤繞座來終古白雲餘斷靄數聲玉笛落殘梅茫茫人代  
銷沉去拍檻狂歌思轉哀

鄂渚雜詩

迢迢郢路古今情夏首西浮更遠征三戶遺墟春草碧六朝  
舊事暮江平米船誰遣迎溫嶠羽扇還須藉顧榮幾許興亡  
猶在眼漢南雲樹感愁生

大別山前落照頻南樓清景迥無倫蘆中問渡真窮士漢上  
題襟少故人渺渺晴川千里客匆匆歸雁一年春誰知庾信  
哀無限每到登臨易愴神



歸次金陵憩燕子磯清江院感賦

虎牙銅柱倦登攀，無恙孤帆此日還。  
遠夢尚驚三楚浪，舊遊重看六朝山。  
蕭條行李誰知己，蕩落風塵損壯顏。  
愁絕白門楊柳色，應同庾信賦江關。

蘆溝橋

臥虹終古枕桑乾，決泚渾河走急湍。  
馬邑風煙通一綫，太行紫翠壓千盤。  
喚人喔喔荒雞早，照影蒼蒼曉月寒。  
沙際閑鷗應笑我，又聽鈴鐸送征鞍。

春盡日送同年平太史聖歸浙東

周南滯迹久同稽，把酒津亭忽唱騷。  
醉裏人將春並去，望中雲與水相齊。  
禹陵洞穴仙官守，越國山川謝客迷。  
鑑曲敢言煩特賜，鄉園隨處得攀躋。

題畫

披圖長自愛煙嵐筇笠筠竿我舊諳風葉滿山秋水濶孤篷  
殘夢到江南

九江舟中

渺渺潯陽烟樹齊蕭蕭湓浦雁行低長江九派東流去何事  
孤舟獨向西

雪中聯句

作客欣得朋鳳畏人但枯坐忽焉鯨鬣集德甫乍疑微雨墮淪  
淪愁雲凝曉發稜稜寒意作樹訝乖龍蟠來殷檐軫凍雀餓六花  
舞欄檻鳳四野洗坳堦灑松密復疎德甫碾玉揚更簸疎篁折  
有聲曉發老屋壓欲破頗畏酸風尖來殷差喜酒戶大韭芽出吳  
羹鳳蜜餌本楚些食單列無多德甫詩卷正可和醉吟馬耳埋

湖海詩傳卷十六

九

曉微狂擬驢背馱我儕苦羈孤來生計每摧挫今秋聞倉箱鳳

連村收秫稷歲晏緩租庸甫時平謝勞瘁矧見宿麥抽曉益

資春種播對景良足懼來殷稱瑞行當賀蜚蚰土已殲鳳枯

永猶裹白戰勿致師甫閉門任僵臥曉

同錢曉微曹來殷家德甫用昌黎會合韻送王次山

先生歸常熟

眩目雪花高瘁肌朔氣重鳳忽興故園思遂見歸計勇甫裝

成一羽輕寒壓兩肩聳曉微竅振風向號帆開浪猶涌來養疴

公志便問字我忱壅鳳結添卜商衣履曳原憲甫叩蓬駭

洪鐘挾卷悵荒塋曉微游常昇輿從境嘆望羊恐來殷硯伉嗟俗

師流傳多繆種鳳微勃罕鮮囊該躊駁徒雜冗甫逸矣昧火珠

誰歟搜汲塚曉微衰衰逐頽澗紛紛博世寵來殷先生管道樞末

學作梁拱鳳砭俗論必嚴匹古意未忒德甫單思幹幽元鉅製

冠應奉曉幽鍵啟奧銛斤斲拳腫來十道九域探三篋百

城擁鳳聞昔烏臺遷羣驚白簡捧德甫志欲懲訓狐沸豈耐羣

蜚曉正色排妍嬰直筆刺微來然犀燭罔象强弩射闕鞏

鳳佼佼厲丰規稜稜振翮德甫乃知一士謬直令百夫悚曉

旋解紫綬還閒雍碧草茸來酒陣整鞴騷壇集球珙鳳遂

初欣還山耽榮嗤得隴德甫吾谷峯嶙嶙尙湖波溶溶曉閱身

付蓑笠塵鞅脫桎來揭來主講席多士資發冢鳳敎比時

術蛾文喻吐絲蛹德甫問事愧長頭解疑快曲踊曉茲聆驪駒

歌正值鳥獸來往矣永堅腹來思花折鳳佇立望河干

霜林浩呼德甫

紀 駒

湖海詩傳卷十六

十

字曉嵐獻縣人乾隆十九年進士官禮部尚書

蒲褐山房詩話晉閱寬博聞才情華瞻少日已爲史文靖公劉文正公教賞及再入詞垣適以詞臣奏請將永樂大典內人間罕觀之書鈔錄流布既而詔求天下遺書開四庫館令君與陸君錫熊總司其事攷異同辨真偽撮著作之大凡審傳本之得失撰爲提要進呈御覽上皆閱而善之其未鈔錄者則爲存目以識之分繕七部貯于文淵閣圓明園熱河盛京及揚州金山杭州諸處嘉惠來學又加以提要二百卷使讀者展閱了然蓋自列史藝文經籍志及七畧七錄崇文總目諸書以來未有開博精審若此者蓋文治之極隆而儒生之榮遇也逮爲禮官之長恭遇高宗皇帝御宇六十年行內禪之儀進冊授寶宏規盛事皆千古禮儀之所未備禮臣系稱經訓綜以會典斟酌進呈均蒙俞允次第舉行普天同慶亦君所擬定者爲多君既黼黻昇平甄綜羣籍故其總制之作雖爲詞苑所宗而于尋常所著不復珍惜成編茲子館課偶存中錄存便慨已無愧于庶許陽劉而試帖體乃國家所以取士大小試無不用之故所錄特多俾爲士林準則也

西域入朝 大閱禮成恭紀

一掃機槍大漠空陽關萬里使車通全收月窟歸封內原有

星弧在掌中天馬徠時行就日靈夔吼處響生風懷柔控制

相兼用應識 一 君王睿畧雄

花門作隊遠潛蹤積石流沙路萬重絕域何年巡漢壘 王

師當日問崇墉幾回碧蕤驅妖鳥一旦軒轅召應龍數曲  
金笳歌出塞西戎早已避旗鋒

趁輝羽騎走如雷三部降蕃次第來伴使經時攜勃律仙  
莊早日覲蓬萊秋深驛路人初到雲捧旌門影正開便遣  
平臯陪大獵且看七萃躍龍媒

曲宴芳園酒乍醺將軍飛遞羽書聞窮荒更遣蟠桃使降表  
連收貝葉文兩國名王馳贊普同時別部走奚斤殷勤攜得  
昭華琯計日中朝覲聖君

日行三百人長安別苑層城盡裏看宿衛舊聞唐頡利  
衣冠今賜漢呼韓多時遁寇擒狼種幾隊高蹄付馬官好續  
周書王會解千秋勝地記川盤

東郊南苑路回環蕃使行隨十二閑九奏聲中瞻御幄

萬年觴側侍

天顏燭龍珠躍雲霄外火樹花開指顧間

真是滄溟觀日出六龍頂上駕三山

朔風獵獵乍盤雕上將持麾下紫霄天上星辰張玉弩軍中  
鼓吹應金鐃珠旂搖曳旗初展銅埒回旋馬更調十萬貔貅  
齊入伍分明氣象認 天朝

環抱中樞兩翼交森嚴後勁接前茅連營畫鼓聲相答入陣  
雕旗隊不淆燦燦星文浮劍氣彎彎月影上弓弣六軍控馬  
齊翹首尺五城南望翠旂

五色明霞護綵旄

至尊秣轡演龍韜山來六職分司馬

况值諸戎貢旅獒黃道平馳雕玉勒烏孫造識 鬱金袍爭

看

聖德兼文武九合天弓手自操

羽衛交馳玉腕駟陪遊仍遣召梁搜重看犀手三千弩爭拜

龍旗十二旂見說須臾禽母寡果然容易數出尤願將  
聖主天威重傳到西荒海盡頭

恭和

御製九日侍

皇太后宴並賜內外

王公諸臣食卽席得句元韻

帳殿崔嵬曉氣澄重陽不數宴孫陵花開松漠圍黃纈香佩  
黃囊製綠綬五色  
安輿雲對捧萬年仙酒露新承題  
糕勝事龍沙北自古登高到未曾

賦得山梁悅孔性

會心原不遠樂意總相關達者能觀化仁人本愛山天機同  
浩浩物態共閒閒偶爾逢心賞悠然息轍環坐看雲自出忽  
見鳥知還童冠如偕黠行藏欲語顏鳳翔千仞上龍德六爻  
問鄉黨終篇意長吟雉子斑

雉子斑樂府題名



賦得風絃漢殿箏

何處夜琤琤冰絃帶月清涼颼來玉署秋殿動銀箏乍聽風  
從律真同響應聲何須銀甲撥已繞畫梁嗚呼吸機相感咽  
于調自成爽如聞籟發高欲遏雲行斷續隨宮漏悠揚散  
禁城早朝 天樂奏一曲和韶讚

賦得殘月如新月

缺月照庭除纖纖畫不如雖非三日後却似半規初祇道弦  
將上誰言魄漸虛依然千里共還是一鉤餘光但分增減形  
難辨歛舒誰能分顧兔定亦誤驚魚老桂花常在仙萸葉漸  
疎餘輝如可借爲照案頭書

賦得夏雲多奇峰

嵐氣初蒸鬱雲容俄嶄出卷舒形屢變重叠勢相撓峭立峰

成筆高張石作帔，雄應爭岱華。險欲顛嶠函，拔地風頻鼓。摩  
天日乍銜，雷疑泉響澗。雨訝瀑飛巖，縹緲真難卽。嵌崿自不  
凡，願陳紉纓頌流韻，入韶咸。

賦得秋月如圭

月色淨玻璃，秋宵畫閣西。無瑕原似璧，有角便成圭。仙桂開  
方滿，新桐剪乍齊。修來原是斧，切處定如泥。象以斜長肖，形  
從胸臆稽。涼天懸玉片，深夜照金闥。冷露中庭濕，明河右界  
低。方輝吟入戶，更憶隱侯題。

賦得水始冰

霜自何時降，寒從昨夜增。深灘多露石，淺瀨半含冰。細溜微  
微聚，流澌漸漸凝。經風纔欲合，遇暖尙難勝。瑣屑銀千縷，玲  
瓏玉幾層。一痕初界畫，數片乍觚稜。舒歛機相待，剛柔氣互

乘應知堅腹後陽律又潛蒸

錢大昕

字曉徵號竹汀嘉定人乾隆十六年 召試 賜內閣

中書十九年成進士官至少詹事有潛研堂集

蒲褐山房詩話君聰穎非常醫外時卽有神童之譽以 召試入內閣再入詞垣覃  
研經史根柢精深詩賦之外究心數理精蘊歷象考成能通中西之學秦文恭公修  
五禮通考屬以相助自廣東學政銜恤歸家上奏薦之志歷主書院輒以小學爾雅  
授生徒所撰二十一史考異又撰金石跋尾四集蓋鄭夾漈王深寧之流亞也詩清  
而能醇質而有法古體文亦以震川爲歸年七十五追湖爲諸生已六十年有司循  
例請重游泮宮固有句云三不朽問當立脚四先生往執差肩其建唐婁諸公斷不  
逮其百一也

擬古

亭亭孤生松結根山之阿千霄聳直幹蔽日交繁柯下有芝  
與苓上有鳥與蘿年歲倏已暮霜露亦以多幽人卜居此松  
下常高歌願爲歲寒期相對鬱嵯峨青青河畔草灼灼池中

荷顏色豈不好秋深當奈何

龍門百尺桐輪囷盈十圍斲爲綠綺琴絙以白玉徽水流何  
洋洋山高亦巍巍鍾期顧我笑一彈情以移奈何舍我去破  
絃不復揮不惜絃斷絕所悲知音稀郢人泣匠石蒙莊感惠  
施愁來不能語千古同歎歎

游天平山歷龍門白雲泉蓮華洞諸勝

夙昔慕臺尚散髮事登陟名山志遠游攜屐探九域天平况  
在邇葱翠望不極屯雲生層岡蒙泉注巖隙壁立石骨露峻  
絕苔逕仄梯空疑無路攀蘿若可卽行險心惟亨仰止道自  
得理以湛寂超境與幽邃適卽此澹塵慮奚事逃藪澤歲宴  
期重游眷茲山中客

讀漢書

黃綺避秦漢采芝汗漫游不與豎儒伍而况辨士流吾冠幸  
無恙欲溺將奚由姓名落人間失計逢留侯鴻鵠羽翼成徒  
爲娥姁謀假館建成所安呂非安劉區區具金幣母乃涸公  
不

茂陵慕不死意與仙人期豈知巫蠱禍乃自方士貽黃老尙  
清淨文景所以治變而談神仙所見一何卑我欲見鉅公岡  
上如嬰兒服藥可少病勿爲妖妄欺

在漢中葉後政柄歸尙書置相不選賢直取容嘿徒流汗婦  
參語僂背吏夾扶扶陽與防鄉醢藉稱通儒恩澤列徹侯媼  
媼保位俱威福自臣作履霜愼厥初居攝頌功德後來奚足  
誅

厚味實腊毒高位易觸罪五鼎食幾何失意便菹醢不見葛

繹侯刻印拜上宰涕泣不肯受自云從是殆才果濟蒼生漚  
死亦何悔淺哉曲學夫持祿不知止

秦坑灰未寒士節日以貶造請公卿間見笑徒自點膝席避  
出蚡長揖無汲黯將軍肯臨況治具吾敢儉乃公戒牀下大  
要教兒調偉哉平陵朱願請尙方劍

持平三尺法人主與民共云何武健吏內深次骨痛操下束  
涇薪一時重足恐殺人計自安古法置叵用天道有神明好  
還神所恫賢哉萬石嫗斯言可警衆

寄述庵川東坡除夕倡和韵

小小好讀書未有袁豹半中年精銷亡炳燭吁可歎狗馬子  
弟習珠玉兒女玩樂極恐生悲聚多終或散元化以爲門法  
喜可作伴自從悟如如何暇伐旦旦惟餘文字癖欲療醫無

案語辨宋魯訛文證豕亥亂吟詩鼻長擁揲易手先盟鄉人  
憎怪迂古調強嘽緩賞音獨吾子嗜好同一貫深入賈君勇  
助登激予慳如何久別離夜雪誰送炭當年劇談地蒲褐闕  
空館萍開必終合并冷行復暖懷哉曷月歸顧言見此粲

題黃小松看碑圖

判牘有餘功訪碑無寧暑尙友到古人翠墨雲烟委歐曾趙  
洪後立幟江夏子古物聚所好不經走千里金甌垂琳琅收  
拾斗室裏憶昨造高齋清閤爲我啟香厨一縱觀如入五都  
市畫手數顧陸絹素那足恃何期東京刻眞面壁可指法服  
儼冠劍禮器陳匡枕銀甕壁流離甘露木連理靈秘不能藏  
一朝列棐几奇怪驟難讀過眼聊復喜合并知何年癖嗜畧  
相似披圖宛晤對慚我聞厓咫想見手摩挲比鄰招短李片

石如能言風塵感知已

謂李鐵橋

### 宋徽宗畫龍歌

畫龍古今誰妙手前有僧繇後所翕宣和道君亦能事遊戲  
落筆作神工空齋歛忽風雨晦粉墨黠發光怪陰雲合沓  
迷高穹震電崩騰驚下界一龍天矯胡髯垂遙空隱現鱗之  
而神物變化意飛動豐隆列缺相追隨左方題識更瀟灑瘦  
金小字兼行楷興雲吐霧豈有心欲吸長江濟四海題云興天上雲吸長江  
齊河海民落天下雨凡一十六字我聞沛都全盛初太清樓閣收圖書關仝董羽妙  
蹟在見宣和畫譜至尊清暇時臨摹良嶽山成劫灰速興廢一朝如  
轉轂五國城頭塞馬嘶真龍終受泥沙辱吁嗟乎尺幅丹青  
千載傳烏號去杳竟誰攀一從曲海南歸後寂寞龍顏想像

間

朱弁使金得二帝御容以歸



題述庵三柳堂莊圖

昔遊三柳秋正暮涼波十里浮吳艘中流塔影插天半突兀  
如建蓮花幢蒼蒨葭蘼望不極半篙淨綠流淙淙漁人此時  
齊結網蜻蛉一葉張棹雙編筆挾岡繫笥簪扣舷遠近歌無  
腔斜風細雨波不起時聽野寺疎鐘撞前塵十載寄夢寐此  
意耿耿誰能降王郎本是湖海客潛夫作論驚愚憇清詞雅  
材追百五勁筆直擬龍文扛風塵佗係不得意便欲采藥隨  
老龐故園況在長柳上三間老屋開虛窗維摩十笏厖容膝  
却喜而面當時江漁兄漁弟還往熟籬根那復驚花老有時  
一棹乘興去繫纜竟到枯楊椿背篷圓笠自攜取得雋往往  
窺魚矧銀絲鱸膾味不惡痛飲直倒頗黎缸但見青芙蓉九  
朶遙岑出沒連空磴一聲欸乃交倡和有似竿瑟璫篴控人

生所貴在適志年華晚晚同奔駢京華留滯幾寒暑登樓信  
美非吾邦披圖舊遊宛在眼浮家有約無虛呢拂衣我亦徑  
歸去潞河南下挈輕絳詩中澗上好相待可許主客圖成雙

王彙英家藏古錢歌

錢府上士受姓始我今逃債無從逃九章綴術亦曾學不解  
子母營牟羔平生最嗜金石刻鐘鼎欵識窮爬搔貨布雜品  
儲一二如提贏蛤遺鯢鼈王生好古今都穆卜居恰近吳南  
濠十年藏弄肯出示古色班駁爛錦條溯初尊盧首作幣三  
品後出泉布刀外圜函方法九府扣囊底智自六韜金刀錯  
出布么幼黃新代漢先塗高真人白水識已驗造物終厭蛙  
聲囂五銖之廢開通鑄椒房指爪痕深牢紀元各各吉金勒  
三司呈樣頒神臬所嗤僭偽盜正朔寸岑妄欲騎海濤世間

兒女尙厭勝吉語宛轉銘周遭幕文奇詭難殫述星官北斗  
下采旄雙魚三雀隱龜背蒼龍糾屈鸞翔翽或言撒帳取善  
頌貴主釐降夸富豪或云佩之辟五兵却鬼可當度索桃願  
譜洪志人所讀愛而不見空鬱陶多君聚之在掌握區別年  
代分牛毛臨川之愚和嶠癖同牀異夢喟若曹阿堵中物如  
此良不惡傾身障篋誰營營孔方絕交吾已久畫餅羞勝啖  
白苔自盤餐  
之極乞君拓文遠相贈瓊瑤欲報心忉忉

同王鳳喈過昭慶寺訪學公不遇

五宗誰嗣響清絕有祇林水月觀空悟風幡荅法音我來虎  
溪下佛火一龕深不見維摩詰悠悠訪道心

破山寺

竹邇不知遠四山皆白雲漸看蕭寺近杳杳暮鐘聞聞背野

貽尉清時鸞鶴羣禪房花木在吟坐憶夫君

荆柯里

匕首懷中出諸郎殿下看燕丹心未死趙政膽先寒成敗論  
人易從容舍命難千秋猶灑淚易水共沈瀾

壽王述庵司寇八十疊用虎邱酬唱原韵共成八首  
八十樂全翁精神潞國同西京兩司馬東海一非熊玉尺量  
才正金鉞度世工漁庄近三泖消受快哉風  
此叟非常叟忘年得大年籌邊雙鬢換草檄百蠻傳夜踏金  
川月晨炊雪嶺泉亥章曾未到都入紀行編

恥作嘯嘯翁寒松雪幹同南臺冠戴多西省掌批熊霖雨露  
濡渥絲綸潤色工踐斂三十載人識曲江風

事業雲霄上詞章漢魏年行藏真不媿福慧兩堪傳力挽千

釣鼎思探萬斛泉分陰晚猶惜樂府續新編

今古幾多翁酸鹹嗜不同道能融孔釋味欲盡魚熊許鄭淵  
原遠歐蘇著述工新排詩卷富肆好穆如風

曹憲張蒼侶孳經壽百年千秋斯道重四海大名傳共仰星  
環斗誰闕頌汲泉羣英陪杖履語錄及時編

當代董思翁聲名壽樂同三車參象馬五戲卻獲熊老學心  
逾細詩傳選最工懸弧冬日暖入室坐春風

北郭隨肩日南宮擢第年精璫慚我倦黃絹羨公傳卓立靈  
光殿紆餘難老泉鶴南飛一曲欲附五羊編

秋柳和曹來殷韻

極目長條更短條永豐西角最魂銷渭城舊恨歌三疊白下  
新愁送六朝零落夜烏啼轉急蕭疎客鬢話無聊春來縱說

輕離別尚有濃烟拂畫橋

贈翁朗夫徵君

綠蕭抱犢自家風薦牘仍看達  
紫宮東國人倫推郭泰西  
京儒術數中分江湖載酒風流在  
耆舊論文意氣同擬向君  
山來問字相從踏遍碧玲瓏

懷述庵

井梧撼撼下閨庭悵望同心隔遠  
珂舊雨祇令勞夢寐幾春  
會此共飄零自沙夜月潮聲急紅  
葉秋山屐齒停遙憶五茸  
雲正遠折麻何處寄芳馨

邵伯康

澤國微茫長綠蕪薄遊蹤跡感羈  
孤疎鐘夜火秦郵驛官柳  
長隄邵伯湖往日漂流悲雁戶祇  
今村落足魚租明朝又下

清淮路魏爾沙鷗宿水浦

毛萇里

申培轅固各專門誰似毛公詁訓尊北海作箋傳古學西河  
製序啟真源四詩未墜斯人出千載云遙故里存太息後賢  
矜鑒空欲將部婁廢崑崙

董子故里

蒼莽長河古木疎流傳董子下帷居天人不媿賢良詔道誼  
羞稱功利書曲學公孫萬貴幸助邊卜式早遷除空談災異  
真何用絕倒從游呂步舒

岳忠武墓

唾手燕雲願力堅長城何忍一朝捐小朝誓表和親日大將  
圓扉絕命年雪窖生還虛壯志金陀論定剩遺編君王自戀

餘杭樂不獨文臣解受錢

秋晚訪述庵司寇三柳漁莊因同訪圓津禪院慧照上人卽放舟游佘山適雲間汪西村張坤厚金冶昆仲亦至偕入王氏園登皆山閣久之復至天馬山登周氏山舟堂還抵萬壽道院歸途得詩四首

石湖乍報范公歸容得溪翁畫款扉菊爲秋深香更厚蟹當霜後味偏肥文章真到歐曾壘經術還傳鄭服衣一榻高齋留小住翦燈話雨重依依

滄江共載米家船只尺東侬一宿緣莖芥椒園粗結構櫻糝竹杖小留連銀鈎猶勝尙書字秘笈誰探處士編頗喜參寥偕入座聞香且證木犀禪

客來不速恰三人天馬峯前共泛輪杜老酒徒招白旭蘇門



文士得黃陳山如秋意含冲澹詩有天機到朴淳重過山舟  
舊池館雪鴻指爪話前因

行窩隨處足徘徊鳥語鈴聲次第催文室靜繙經貝葉羽庭  
留酌酒螺杯誰能榮世兼名世公是仙才又佛才凍水縱題  
圍獨樂不妨真率故人陪

尙湖夜泊

微茫雲水自婆娑平遠山光入望低唱遍竹枝帆盡落孤篷  
殘夢尙湖西

紅橋

竹西十里路迢迢檻外江南翠黛遙翦翦綠楊風絮晚半帆  
春水過紅橋

王又曾

字受銘號毅原秀水人乾隆十六年 召試 賜內閣

中書十九年成進士官刑部主事有丁辛老屋集

蒲得山詩話設原在都下區爲陳文勤公汪文端公稱許釋褐後皆以爲當得士第既入三甲人猶以秀水朱檢討爲比後用爲主事視政禮部又以王儀曹偁之至補刑部主事毅原以律例向非素習且病遂乞假歸性善飲談笑風生脚樹澆瀝雖飄泊江湖而東南長吏習接者多賦詩門酒凡十餘年卒懷惻隱塞而沒作詩專仿宋人信手拈來自多生趣休寧曹農部自鑒選刻其詩予復再刻之皆不及十之四五而審擇未當其全集六百餘卷予曾點定今尚存其家

度盤山嶺望雁蕩諸峰雨止大荆旅店

此邦南戒盡山勢驅入海嶠強屹元氣雕剝出真宰曷下嶺  
刺天接眼益嶮巖攢攢百青蓮朶朶吐蓓蕾春空媚雲物醞  
藉固有在應知太古前猶未混沌改卒見無急驚山靈詎相  
給詰朝果此游須鼓脚力倍始去夢烟村稍伺雨聲怠

曉度馬鞍嶺曲折行澗道中從剪刀峰下入觀大龍

湫還憩龍湫莽

一吸道場羹鏘佩披鶴警穿徑雲共飛躋險鳥同上東西並  
谷幽高下一泉響泉響方愈寂谷幽漸生朗濕烟信黏履穹  
翠歛盈掌微聆鸞鳳嘯遠窺壺嶠廣折入最深處高挂五百  
丈近遠無定姿變幻非一象直下陂注馬散迸谿劃槩勻圓  
鯨人珠璣貼織女紡蛺蝶蛟龍纏空濛霧露放或爲風所遏  
欲俯旋還仰或爲石所觸始直中迴枉或疾若雷轟或細若  
鳥吭綠瑄洞庭張鼓鐘太廟饗日濃霞綺蒸壁古虹彩長頭  
寒不敢逼目暈難屢仿兌說萬派歸坎習一潭養虧盈河漢  
準消息混沌想廬山亮斯遜天台詎能兩凌流餌碧花跂石  
攬宿莽惆悵厓邱招踴躍猱狄黨任運獲貞觀洗心韞靈賞  
移情將所終瞥眼遽成曩聊茲李白遊未可詎那往愴彼留  
衣人置身猶土壤

蘇有嘉靖間薛方山碑記漫漶不可讀後有七律一首頌  
聯云有恒不須相對面無緣猶自留衣茲徐階詩也

出龍仁寺踰四十九盤晚入芙蓉村

亭午露未晞琳宇花尚泣廣墀舞天鷄壤撫臥仙犬登頓悉  
輿區首塗仍峻峴延睇草逕微娘嬾寫蟲篆繁折始漸高冉  
旋復屢轉盤盤升嶺脊惕惕凌劍棧趣苦賞難留蹟危情莫  
展回眺二靈雲模糊夢成外日仄猿嘯哀春深鳥歌善藥草  
含綠夷漢魁洩清竄澹漫墟煙青陂陀春路衍雖惜佳景睽  
暫止僕夫喘解裝驪宿雨脫屣剔荒蘚稍待芙蓉開秋風約  
重攀

讀南華經

茲晨風日美散髮啟南軒浮光蕩烟翠衆草萋以薺水流花  
復開陋巷如空山朝菌發其姿鸞鳩鳴相驩物情澹來往感  
此娛目前聚糧適千里消搖且窮年會心無可說緬與莊生

言

言有無何鄉亦在廣莫野大樹榮冬春寂寞世所捨與之兩  
無爲消搖臥其下不愁斤斧傷寧成顧盼寡無用吾與汝撫  
琴心獨寫

半夜夢方覺寥寥天籟入嗒焉見真君授我環中法百年同  
大夢彭殤一呼吸蚺蚺與蜩翼微形焉可執曼衍和天倪邈  
與溟濤合夢亦遠遠周覽亦栩栩蝶夢覺本強分幻影安得  
拾今者吾喪我磨言誰與答

元君將畫圖衆史羅右左紛然受揖立筆墨事碎瑣一史獨  
後至忘人亦忘我僊僊走就舍解衣槃礴羸萬事不入心擺  
脫衆史影是真得畫神元君果曰可

泠泠七絃聲散霖雨中霖雨有時歇歌哭安所終嗟嗟子

桑戶十日斷朝餐良友暫裹飯聊充俄頃供命也知奈何誰  
令丁我躬勸君無廢詩廢詩亦終窮

和循初川韋蘇州自蒲塘驛迴駕經歷山水韻

深更坐寒雨雨歇風亦轉沉絃話粵遊紛我離思衍推戶星  
稍出輝輝帶階蘚葉脫辨疎林雲歸想遙巘如何遣良會盃  
行較深淺含愁良易盈卽事況成緬暄淒意每餘去住情各  
展何處曙鐘撞殘燈耿難遣

趙仲穆雙松水榭

霜氣日已厲林中辨鴉舅高軒面蒼塞曲檻俯清瀏左右飛  
雪雲雙龍盤蛟螭落葉掃鹿砦涼烟濕魚笏颺颺蘆葉戰忽  
復響窗牖水深易秋陰不覺風雨吼暍勉裁寒節誰是同心  
友不有短笻橫微徑焉可取

借乳巢蘿石汎飲西湖晚登南屏至壑菴憩山亭觀

磨厓家人卦

簪筵迅於鳬拍拍出烟汶一鏡動演漾千螺堆姪姪是時殘  
暑歛霽景豁臺榭芙蓉色已弄齒苞衣半卸頻來熟壚女濁  
酒餅滿貰剝茨數鬟遊頭顱互嗟呀沙昏白鷺翹寺角斜曛  
射碕岸散筇屐荒塗尋槩柘曠如歷平疇涼風逗隴穉無田  
可歸耕長鑱我安藉袖寒空翠澆履濕鳴泉瀉曲磴升窈窕  
短壑迫巖罅屹嶙嶙猛虎張牙睨老蚪架危徇藤欲墜飛步不  
敢跨失道蕭艾間尋馨獲僧舍雙見南山亭脚力庶言罷一  
片石面削斗起足驚詫家人卦誰鑿力恐巨靈借淋漓蛟螭  
纏悒悒風雨化當裁白地錦覆以十丈帔詰屈愛窺幽孑孑  
慮催夜山響孤豎唱雲破一樵下湖濱落雁初林外昏鐘乍

解纜謝山靈來朝媿塵駕

園泥

秧鉞雨纔足新畦宜糞種南村借釣航港汊恣翻掛雙竿舞  
燕捎兩手禮鼠拱縱遠頂背傾拔深腰脚勇橫撐沙背闊側  
立船舷重亂牽菰米沉冷觸鷗羣恐碾渦蕩呀庠水草拌傷  
鴈急須咨雍人驛赤分土壟

扳罾

漁具首網罾罾與鼠罾亞千絲罾影張四角筠枝架輓索勇  
雙臂擎竿夾前膀欲起翻鷗蹲既縱迺鳧下竿音聆舴艋孤  
興出烟汶髣髴綠蓑翁淋離傍漁舍連江翠雨昏隔籬紅鐙  
射冷笑狂奴廉荒磯坐長夏

貯水



烹茶水功六天泉占其兩梅雨醇而白品爭雪水上五月簷  
溜龕丁統幾旬響貧家無長物差喜足甕盎翠杓滿傾注照  
面恰圓朗茗葉新未試石子靜堪養藏任酒缸聯立肯醬瓿  
黨曷爲老桑苧但恣山泉賞

養水須貯  
石子於甕

合醬

夏至逾三庚懸空火輪熱羅豆揀如金磨麥篩作雪爛蒸氣  
方餽急排黃不涅痛按圓箔穩涼攤曲房閉

方結切

沸投鹽滷

澄汲用井華潔醃深杷屢攪簪午筮齊揭大歲面須對黃道

歷宜許女醢勿言辛嘉賓饌流猷

嘉賓流猷見梁劉  
孝駿謝靈運詩

重五日獨遊道場山却簡徐叔雨

曉榜夾山淺蒲岸深吹蛤未傳林際磬早涌船頭塔螺髻翳  
輕沙雲日遞吐納泥巷耕犂臥狹扉蠶婦闌升麓苔磴紆到

寺風泉雜山門盡勝槩。易用衆峰踏苦茗。僧自供清言。竹爲  
苔留朶。黠道場蕭然。悅塵榻。意行愜靜便。惜不吾友拉。惟吟  
坡老詩。罄我三升榼。

易松滋招集抱山堂。偶話龍湫舊遊。同人輒爲題龍  
湫宴坐小景。余亦繼作。

平生邱壑緣頗笑。謝康樂經行屐齒雙。徧爲佳處着。雁山峙  
東南。海氣所噴薄。千峰骨瘦聳寸土。必前削二靈尤瓌富。外  
視若郭郭。自非窮幽險。何目罔約畧。龍湫吾耳熟。凌晨勇腰  
腳。盤迴嵐翠交。迤邐苔逕拓。一登忘歸亭。坐惟巨靈鑿。飛流  
五千尺。劈面向我落。其上星月栖。其下蛟龍躍。支派析銀河。  
宮商諧廣樂。於時春向深。雲暖舞雙鶴。漫山繡芳草。踏處皆  
靈藥。暫容腸胃洗。還就塵坭縛。彈指倏十霜。髣髴異今昨。殘

湖海詩傳卷十六

五

春展舊圖卻顧成錯愕舉因非戀嫪觸物逾淡泊滿座聞琤淙並荷清風作爲言諾尊者終踐還山約

曉過石鐘山不得泊

空江不聞鐘清曉續涼夢黃帽不解事靈境瞥焉送金石首八音次第若伯仲茲山胡爲兼虛軋妙相控拳然凸水次形質類覆鑿窟穴中玲瓏微風颺其空水石暗擊撞元音發一中此理本坡老少見惟耆衆我言亦耳食歸尋水樂洞

穀日廻谿草堂銷寒第六集訂雨霽郊外探梅分韻  
得象字

元日到人日一雨斷來往今日又穀日深巷履齒響招我壁春甕磊落間少長握手出吉語但飲屏餘想古莢茶蘖明芳艸蕙叢養雪壓色轉深風恬氣已益春早舊年立梅先一月

賞便恐雨妬花零落忽一餉花信遲亦佳北枝尙倔強留取  
作上元繁花耀晴朗整頓雙絲瓶郊遊陪履杖也勝不出門  
癡坐等犧象蒼苔上下崦春水東西瀆梅花如美人畫之須

周昉

時將乞瓜印  
寫梅花小幅

上元縣齋上元夜雪同用東坡聚星堂詩韻并效其

體

沉沉院落調銀葉却取春燈換春雪天公試手聊作戲誰家  
擁髻正愁絕牀頭抱絮薄更搜閣裡琴絃凍欲折分曹擘柑  
春自益密座燒蠟風不滅細啖菜甲耿多憶牢捧玉船恐被  
掣江邊新柳又青眼牆角短梅幾紅纈鼓聲十棒想縹緲茗  
汁一甌太騷屑阿香驚筍掀欲穿素女窺檐笑成瞥白戰偏  
教上元續夜宴不讓南唐說君勿僵臥頰玉山海月一輪催

老鐵

雪後月  
甚佳

祝豫堂歸自馬蘭峪同香樹先生蔣石偶圖賦

至後大雪厚一尺城西報我有歸艇莊寓小別歎五年倒屣  
相尋濕塗淖骭髀握手昔顏在但有新霜欲垂領示我新詩  
代口述篇篇豁朗絕畦町憶昨癸丑之冬日在斗提鞭北走  
氣何猛袖中賦草三大禮蒲牢一吼百獸屏正逢 天子

新踐昨柄用儒術恭摺珽內外大官共薦剡明光起草爭馳  
騁川而爲虎退爲鼠抗之則雲抑則井娉婷不嫁子心惻俳  
優而試吾齒冷銜淚卻跨蘆溝橋陟險遠上盤山嶺長城之  
下饑驅來夜夜關門虎蹏打風沙颯颯坐懷古塞草陵花寫  
莊觀歸心一縱箭破繭暫解塵職息蓬梗屋旁隙地任鉏耒  
架上破書堪汲澗雖處貧賤聖所耻獲遭太平生卽幸何妨

韓愈怯柳劉未見華歆勝管邴舊雨別逢南郭台長驅誰許  
中原並臭味差憐投漆膠英雄終必酬牲鼎倘嘲鵬鴒恐未  
然但還雲龍定獲請軟紅十丈急游祓臘釀方釀須酩酊

張穆畫馬行

垂楊過雨吹郊牧洗刷權奇出天育鐵橋畫馬蓋有神纖離  
紫燕下筆親一匹連錢五色白一匹拳毛深鐵色硃玃紛攢  
白象蹴蛺蝶迴露神龍脊春寒宛頸鳴不驕仰視閭闔方騰  
驍良材本合天仗獻可惜昂藏走荒甸方今四海盛太平白  
首不睹烟塵驚鐵橋畫此蓋有以華山之陽在卷裏我聞此  
老好劍兼好詩更於畫馬神工施乾坤漂泊丹青賤死後聲  
名徒爾徧嗚呼男兒學藝漫絕倫君不見韋少府曹將軍  
冰壑訂遊天台余不果同行畧述前遊以爲導

扁舟夜弄鑑湖月一霎飛帆臨剡溪詰朝衝炎謁天姥森森  
綠樹青猿嘯雲房澗戶歷百所石梁未到陰淒淒呀然一潭  
吼地底毒暑凜欲披羔麕曇華亭上剛一宿方法丹師教餐  
玉醴泉瑤草黥然別雙闕瓊臺空跂足天台陳君有仙骨飽  
飲赤城霞萬斛蕭然坐我谿閣頭盡日千峰環破屋炎風趣  
我還渡江越山點點趨船窗枯筇惜未支華頂遠夢迢迢今  
莫降故人相約穿芒屨我被塵牽俗難藥九峰次第挈陳君  
第一先登摘星閣

題林良九鷺圖

瑟瑟空江烟霧滅風漪百頃鋪纖葛漁父不響欸乃空忽下  
前灘幾堆雪畫工之畫真化工水禽不與陸禽同直從第一  
數至九一一變相無一偶寫秋更得秋性情色是秋色聲秋

聲插頭或作陂塘夢引吭或效鴉軋鳴戲水或孤颺啣魚或  
雙行或狀孤高頻野鶴或矜娟秀如春鶯疏雨欲來蓮葉暗  
小洲初落蘆花明良乎良乎爾從何處得此態髣髴金沙港  
口停船對竹篙撐動忽驚回飛上青天與人背又記富春江  
上挽舟時一行遙下嚴光祠漁梁無人晒還浴斜日微風吹  
釣絲眼前好景畫不得脈脈篷窗空歎息今朝見畫憶前塵  
惆悵雨簑與烟笠絹素漠漠開湖瀧藹然幽夢飛吳艤醒來  
卻臥空堂裏涼月一庭秋滿江

次茭道居

一水縈官道數峰環小村趁墟人裹飯畏虎客關門殘照依  
林滅寒鐙背雨昏平生幾緉屐欲共阮孚論

涼夜



暗葉兼風響陰蟲得露曉秋生羣暑憺月出衆星低紅藕飄  
江院清礎動夜閨鄉心併涼緒任醉不成泥

簡王李

雀航南畔酒壚旁小別忽忽醉暫忘豈謂春風孤見面翻令  
江水等迴腸鶯花不屬張三影煙月多銷脫十娘莫管秦淮  
簫鼓動燈船讓與別人狂

酬桐石

寒影蕭然簇一鐙兩峰應怪客來仍稍綠病退秋情健不爲  
涼多酒力勝小技文章那制命中年須鬢欲飯僧與君且話  
通宵雨如此溪山捨未能

春雨次陶篁村上舍韻

如絲風外颺纖纖早晚丁統響畫檐芸餅衾稠春夢擾杏花

樓閣曉寒嚴時窺吹沫魚浮沼不放銜泥燕入簾除卻縕袍  
無可典尋常酒債任頻添

冒雨汎西湖小飲琴鶴樓

不見跳珠又四年術寒仍放總宜船暫閑塵海鞭驢手重數  
旗亭買酒錢野鴨避人歸岸嘴官梅迎臘出牆肩東風幾日  
還晴色來看雙峰翠插天

湖海詩傳卷十七

青浦王 昶德甫輯

倪承寬

字餘疆號敬堂仁和人乾隆十九年 殿試第三人及第官太僕寺卿

盱眙縣懷古用杜工部九成宮韻

盱眙南山湄泗城浸如日雉堞低迴環流波蕩缺口城心盡  
浮屠晃朗存戶牖想當水未滯山坡大於斗洪濤傾天吳巫  
支祁駭走遂使婦子居竟作蛟鼉數導川順水性神禹功不  
朽水由地中行妙用傳希有後乃違厥度湮水水失守宣防  
英詰能法鑒千載後長空松風迴憑軒惆悵久掘地伊何人  
注海重搔首

胡紹鼎

字雨方孝感人乾隆十九年會試第一官至監察御史  
有所存集

靖果園先生輓詩

大用窮經得高言實事餘哲人今已沒論者復何如若祭當  
於社將傳信此書顧瞻思往路霜葉曉風初

同陳雨齋劉秋巖小集

輸君健筆大如椽意氣稜稜逼四筵譚興可能通乙夜詩豪  
不減似丁年更邀明月當三五卻買春醪足十千此景憑誰  
收拾去一船書畫米家顛

長途車馬自紛馳比歲相依借一枝又見春風吹碧草偶傳  
流水上朱絲他年相望仍勦業往事追歡易別離幾度停杯

還更酌人生同此識襟期

朱筠

字美叔號竹君大興人乾隆十九年進士官至侍講學士左遷編修有笥河文集

蒲褐山房詩話竹君昆仲早登高第著才名而君為白眉兼綜經史精求古義家積書數萬卷金石碑版亦數千通尤喜汲引人才輜軒所至必拔諸生之雋異授業門下家居問字者滿堂滿室君豐腴秀目位抗鏗鏘常以李元禮范滂自況公卿中惟劉文正公愛其學業稱為小友其他貴人招之弗往為安徽學政時奏請將永樂大典中人開罕親之書悉為鈔錄且求天下遺書四庫館之閒寶自君發之其後子文襄公選用翰詹科道及中書郎曹諸臣先後至數百人君雖列名其間固未嘗有所討論也年僅五十病暑而卒平日文稿皆以草書書之且後乙十有七八子弟不能辨別故取其明晰者刻成四卷餘皆藏於家

平定準噶爾恭紀

四言詩百韻 謹序

臣伏見

皇帝陛下六龍時乘德與天一四表兩

間無不周漑

御極以來奉

皇太后再巡

盛京謁

三陵展孝思東升泰山

幸闕里以

祀孔子南巡江浙 躬省民事皇哉大禮備物未

嘗有也金川小蠡卽殄卽平乃者準噶爾部僻處西

荒世其凶德 皇祖 皇考張申撻伐不

訖于誅天厭厥類其孽子喇嘛達爾札暨亂臣達瓦  
齊更相篡竊虺蜴荼蓼厥部離心時則台吉車楞伍  
巴什等暨阿睦爾撒納等數十萬戶叩關乞降

天子爲幸熱河蒞而享其人飫沃謹呼同請效命

皇帝神謀天斷乘時發機乃 命將軍出師討之  
卽用其人道師前行西北兩路同日迅發千軍萬騎  
馳越乎翰海若噉沸雪若風刺草自克烏梁海至于  
阿爾泰山梁更數十部落台吉宰桑厥角恐後我師  
入于伊犁降青海叛人羅卜藏丹津及其二子又獲

逋酋巴朗孟可等悉俘以來師涉伊犁河而西標山  
趾川掃閭閻壘用夜入其鄂立土營賊兵負山面湟  
自相驚蹂追擒其格屬部人達瓦齊以其子及數十  
人走和集斯伯克盡獲之以獻捷聞 皇帝躬至

太廟徧告 郊 社

陵越名山大川

羣臣請上

尊號不許乃以吉日加上

皇

太后徽號爵勳資功周布

恩澤與天下大釐俘至

獻于

祖 社

皇帝御午門以觀辰旂豹

罕球鏞鼓飛揚鏗鐳百秩序進咸頓首賀

臣伏念

易稱高宗殷之盛天子其伐鬼方三年而克之若是

難也小雅詩人欲張大宣王之功曰薄伐玁狁至于

太原若爲荒徼絕域之辭所以震蕩心目刻畫金石

然或遲之三年之久近在晉國之地猶且照曜方冊  
其烈燦然至古所稱王者之師不戰而屈人萬里之  
外蓋有其言而無其事今準噶爾去京師尚不啻  
萬里出師不逾二時不見一鋒一鏃之遺而大功克  
奏聞師入伊犁之日椎髻之婦未亂之童望我旗纛  
若慈父母惟皇帝陛下神聖文武天之所授曰  
麗霆發飈靈雨甘百神效職惟所左右誠非尋常所  
得擬議萬一者也臣謹作四言詩一篇竊欲準古經  
義覃思極精所以導揚天子之光明式于世世  
其詩曰

皇帝聖德自天受授風霆在左雨露在右惟四十年蜀徼  
聚扇其融賊內訌外熾皇帝命相一撻十仆父子面縛



乞命邊垓準噶爾部西極是守人孰信義若羣鳥獸

聖祖獵之朔漠三狩

世宗命將再彈再鼓策陵有子

非種而穀不如鳥鼠相同相關是召亂臣達瓦齊寇通名  
天朝不自寢陋甘其下人以飽鴟鵂諸部瓦解呼天內附

長 賜綬咸拜獲命死曷以報  
皇帝曰嗟汝遠無告宅汝子所飲汝子糗享之熱河厥

將軍出師來者爲副伐罪去疾往哨而穀十九年秋 帝

謁

祖考以禱出師惟

列聖祐天策旣發西北

兩道師行三十其里萬數乃賁 詔書壯士馳驟所過部落

山川巘岫譯長宣布咸使聽觀各逐汝草各收汝畜除汝敗

羣安汝老幼無驚 王師駭鹿激驚乃聞乃來若渴飲耐跋

海踰嶺集饗是蹂台吉朝迓宰桑晏候奉上玉盤膜拜獻侑

弋不舍牲耕不改耨台背而扶垂髻而走草榮木長雞拊犬  
嗾俟我 王師踴躍邂逅旆旆大纛長途不留天風吹颺五  
采繪繡沙漠萬里如行中雷無警其營無頓其宿不戮一人  
不遺一鏃直抵伊黎諸部盡收逋醜旣縶叛藩自首賊酋顛  
倒無所竄伏小狔大兕獵取自寶三捷上 聞告 廟

用祝陳設圭瓚奉冊進讀 皇帝躬入潔齊盥漱曰自我

祖萬邦是揉大甲長弓垂法嗣後惟茲大勳尚率由

舊用牲于社 上帝類造神靈盼饗福應來湊

山陵戢戢遣 皇子赴登降執禮觀于堂構羣上 尊

號謙讓至又聿以吉日奉 皇太后崇號 純禧金冊

玉鏤乃 坐正殿受羣臣朝 詔告天下自海丕冒五公四

侯望秩燦樞高爵厚爵功大必售晉秩有位升俊教胄存問

熒獨讞獄平復葺廢決滯剋瑕剔疵 恩澤三十莫不周究

爰以俘來牽頸袒肉左命于 祖右 社告奏

帝登午門日出當晝繞轟鼓伐金石撞扣凱樂大作曰俘是  
受司馬司寇百職咸具頓首上賀拜舞衣袖雷電軒豁乾坤  
明秀 皇帝大德上與 天茂長養萬物日月所燿

至誠感通各得中孚 皇曰念哉與天下穀 皇帝大

法經緯宇宙始金終玉高成深就配于文命上刻响嘯

皇曰勗哉與天下裕 皇帝大武止戈獻豆粦粦黃鉞孰

敢叫吼有不恭順視厥頸脰 皇曰戒哉與天下懋

皇帝大功亘古莫較東西之廣南北之袤帝不能羅王不能

圍 皇曰敬哉與天下富 皇帝大孝撫隴浹流萬國

合歡四靈爲囀以天下養極于載覆 皇曰康哉

皇太后壽

小臣頌

德舉一萬漏敢辭不文竊比史籀

寄王羽仲

山葵傾當陽水禽鳴在陰萬物感同類況子相知深平生負  
奇氣往往走嶽岑猶憶戊辰歲溽暑方淫霖我擬文通詠子  
和尉氏吟安知後離別會合常森森恨無三萍合思發二鳥  
音放蕩爲奇文真至乃古心三正一以下江河日浮沈勿爲  
小人歸庶幾君子林

哨鹿同江岳南同年作

古塞八月霜嚴威天風發發如呼豨雲荒葉脫木不飛哨鹿  
之制傳行圍木蘭以北山崔巍野鹿乳字交匹妃奴杼環角  
頭則頤圓花遍體毛毳毳銜草相食鳴相依歲歲游北羣無  
違此時 振殿漏依依寒星錯落宵未晞虞人鹿冠衣鹿衣

先導天馬驅駢駢期門左右挽玉鞚  
分壯士密指揮赤燉照山山夜暉  
猛獸惕息逃嘔崎嶇嶮大谷人迹稀  
喧聲肖鹿窮幽微鹿聞相慕如歔歔  
什伍來卽疑乍非須臾躑躅不顧  
歸處處伏莽窺以睎百得一失防  
幾希壯士前搏若括機血膏生取  
利刃刳若咀芝英華之機肉中寶  
玉天然肥仙人之饌神福祿  
陛下永命無疆祈作詩紀實匪  
雕幾奏之樂府陳帝畿

翟灝

字大川號晴江仁和人乾隆十九年進士官金華府教授有無不宜齋藁

蒲褐山房詩話晴江詩以清峭刻琢見長蓋與杭蕙蒲金江聲厲樊榭輩爲南屏詩社故風格似之居杭城東北臨江鄉附近百年老棠樹遂取甘棠名其鄉郵民咸以蠶桑爲生不知有劉舉子業者自晴江讀書取科第于是其弟涵心淵瀚元洲澍傅霖皆以能詩稱臨江淳閭之俗變而澤於詩書矣晴江見閩淹博又能

搜奇引癖所撰四書考異爾雅補郭通俗編實申  
精審爲世所推又爲湖山便覽亦有資於游者

### 題吳東壁梅屋勘經圖

離騷忘却梅姑第勿深議皇皇甲庫書梅花並遺置焦氏亦  
有言折枝及零帶易理僅旁參未足補爰繫書詩禮春秋時  
或見一二和羹商鼎用標期召南識加籩桃並掌作青李同  
記言梅但言實言花則有未幽芳詎無取乃爲聖賢葉先生  
擁遺經小屋擅清閨屋內萬編齊屋外萬花萃疎影立亭亭  
寒夜伴無寐研朱事勘點草木不遺細將何作解嘲令彼聲  
價貴吾聞梅與杏轉變由他氣梅至北方則變而成杏故北人無識梅者則錄新詔云櫟橘不踰  
淮斯理乃一致先王辨九州荆揚盡南至庾嶺羅浮山版籍  
不曾隸蠻鄉烟雪深寂寞語生翠孤花自開落驛使無從寄  
嘉實載羣經恐亦異族類爾雅釋梅三日枏英與櫟一一考

名狀皆非今所謂總之古聖賢多在江北地南枝未經見遺却直閒事斯言雖淺近或可析疑義

寓齋鄰樹足供朝夕玩賞遂以嘉樹顏所居柯南墀  
孝廉善之同賦十韻

畸人擇所棲達士隨其遇偶比三宿桑難待十年樹城南舊客寮林木饒古趣高顛出重垣繚枝遠敷布不費買鄰錢我獲東家住餘翠隔簷分落影當窻赴涼風對散髮靜月愜良晤乃知假物用在在理流露劃然人我分坐爲欣感誤不見種樹人息陰幾朝暮

曉發滕縣

匆匆旅宿先鴉起敲鞭直走二十里數望東光不肖明殘月殘星墮遙水馬頭續夢夢思淺成壁畫人驚睡眠槐眉列道

見模糊名蹟愁從暗中遣有本補題勝文  
公行并田處長風浩浩烟漫漫平沙  
遠草征蹄寬郊圻曠闊有如此分田畫井夫何難

禁體詠雪用東坡聚星堂韻

重雲凍合難分葉細雨隨風暮成雪霏微數點吹未覺顛倒  
滿空來不絕充畦占壤失低坳累砌加簷隨曲折犬聲吠巷  
狂亦喜馬蹟翻泥過旋滅積圓漸重忽并墮斜點欲來仍反  
掣紛紛互鬥逞威稜一一詳看裁細額潔身方幸我非孤擇  
地誰知爾未屑關門任打竹聲頻登樓怪換山形瞥方圓無  
定却齊輝菌閣胥安不虛說小堂僵卧獨推思一任夜寒衾  
似鐵

曉起雪止再用前韻

夜蟬行沙蠶齧葉浙浙聲趁駐勻雪來朝俯仰但一照挾背



平原叫曠絕寒花逞姣態橫陳穉竹學恭腰屈折冷壓厨烟  
濕不起淨奪山嵐微欲滅遠人著屐路新斫客座垂簾風屢  
掣但恐斑痕化愁髻卻愛晴光除醉纈半壁猶然聚完塊一  
林忽自散餘屑冷尋未厭驢背苦久滯翻憐鴻爪瞥收藏試  
遣家童掃占驗頗聞鄰老說十斛憑將溲毒塵歸向春田理  
耕鐵

周心羅解元惠赤刀筆

中山老兔中書選蒙將軍始傳分明棗心栗尾束縛巧象牙  
麟角裝衍精或青或白或五色粲論各各隨花生何來管城  
倍光價顏如渥丹魚尾頰赤心紀事義有取豈徒文采矜華  
榮其尖如錐利如劍審象直惟文庫兵謚曰赤刀著深刻寶  
國遂與球圖并我聞彤管職女史又聞丹筆正祥刑一雙日

並諭糜賜官儀復載東西京有明尚方仿古製元黜困敦紀

所成

管刻壬午年製小印文

工名未見勒蔡澡產地不貴來宣城燕都宏規

勝國建其間五度辛壬更米脂賊至逢壤劫九藏珍費歸軍

營棄此槁竹不捆載得留政府全清貞昭回文治觀今日

朝宁翔翥名公卿尚書郎挾紫囊襲侍御史歛緋袍擎君有

言動鐵筆紀臣有註誤霜鋒爭君明臣良庶事舉拜手稽首

颺言賡赤刀赤刀如此用庶幾有實非徒名公今蕊榜先一

鳴脫囊已出頭崢嶸玉堂薇省咫尺路合珥此筆趨 皇闕

脫手贈我殊不稱塗雅屈蚪空縱橫攜歸寓舍窻几窄瓦池

竈墨交惶驚跋奚喚作赤龍小家老愛把珊瑚輕善刀而藏

俟時用緹襲不許人窺窺答詩仍遺草根筆神氣正盡疲塘

撐

邨中晚興

所居地幽寂薄暮客來稀一徑吹寒犬數家鳴夕機  
厨烟補山翠林篠暗柴扉  
蹋葉忽聞響鄰翁散社歸

金慎齋比部出關圖

萬歲龍蟠地山河控勢雄  
明駝宵卧雪健鶻曉呼風  
樹斷天關出沙平地界空  
未能乘一障枉自嘆途窮

吳江

垂虹亭畔月暫照木蘭船  
秋老蓴鱸國霜寒橘柚天  
鷺飛烟路濶人靜水花鮮  
緬想三高士披吟笠澤編

秋草

關心河畔草極目水邊洲  
白露年年節斜陽處處愁  
啼蛄弔幽夜牧馬散高秋  
欲起霸均語芳蹤何處求

秋蟬

何人信高潔，徒爾愛孤鳴。秋杪不知歇，夕陽無限情。殘音移樹遠，微思入霜清。我亦蘇門客，臨風嘯一聲。

偶步東園

列隧千重比戶饒，閒身端合避浮囂。桑畦遠隔人家小，菜甲平連雉堞遙。東郭自來堪踏雪，南湖好在復通橋。邑居仍作荒郊看，林下何須杖策招。

丹陽

寒烟渺渺接南徐，形勝猶分故國餘。岸口人家皆種柳，船中客饌每供魚。鷗沙清況愁先遣，萍梗浮蹤計已疎。宛轉回腸忽關聽，羈孤聲在獨輪車。

糊室

十字編棕結雙層招蘭箋輝開屏六摺塵斷屋三條抹粉餅  
江蜃連衣效壁蜚油窻花影密虛室貝光鮮目眩樓成玉宵  
明窟擬璫開爐防雪化掃榻詫雲眠敗堵周藏拙寒風頓失  
權潔勝看氈布煖敵紫茸氈戶有綿簾設床還紙帳懸贅疣  
除畫障點污卻春聯啟寶仍通月張鎰莫惹烟憑啜賣餅俗  
不怕潤梅天帙整籤相映茅疎屋未穿土風循儉素吾計得  
安便塞向隨貍蟄攤書共蠹研詩成防自疥休遲醉中顛

湯婆子聯句

湯媼范錫成

戴廷燦  
稿筆

利用異鼎鑊質符坤永貞

汪洪  
西顯

名媿異初索

幡然腹彭亨

金玄淳  
所去

電肩戍削竅上犀口絨

購江

砥下夔足

斫旁無獸環垂

編

頂有螺髻著混沌失咎蛾

西顯

光澤謝

向藥居下適陰義

賢夫

爲煖協時若外礪金性堅

購江

內涵

水德弱朔氣戒頑冬

綸掌

霜信入重幕獨客寡所依

西顯單

栖每不樂淒劇號寒蟲

質夫

凍憐警露鶴宵長驚足拳

晴江

夢短蝶羽却較瘵忽到踵

綸掌

豔戾漸如新朴握煖莫邀

西

顛辟邪香易鑠愛茲廓能容

質夫

肥汝重可託飲以百沸泉

晴江裊以千絲縈熨體同衾裯

綸掌

橫陳附履屨相傍何繾

隆

西顯

相偎免焦灼微陽欲透繭

質夫

奇溫匪隔膜美睡勝

蒙頭

晴江

沉酣抵軟脚婦姑戢勃谿

綸掌

法喜伴恬漠客遠

昵枕嫌

西顯

兒防踏被惡轉側便醉鄉

質夫

挹注授僮約老

忘燕玉需

晴江

遠任驪泉涸溫柔縱難兼

綸掌

貞靜已能畧

鉛淚制不流

西顯

金銘擬無忤欲傾伏本盈

質夫

缺竅慮在

薄紉扇遭棄捐

晴江

竹奴悲冷落策勲薦牀牀

綸掌

怙寵戒

莫莫三沐三熏纔

西顯

一詠一觴各罄戶恰合并

質夫

炙硯

供笑嚙聯陰繼前修時江浩翁斐然作論

平聖臺

字瑤渤號確齋山陰人乾隆十九年進士官廣州府同知

琴城課士圖

盧君吏治天下稱治緣儒術匪空名西江捧檄舊同隊我爲  
臨汝君琴城歲時扁舟詣大府停橈把臂銀杯傾我隨鍾潘  
登啓事君以循卓忻同升江湖旅雁落隻影吉安大郡迎雙  
旌十年衰墨卧草上敢與入駿爭先鳴長沙新隴痛車過潘  
上海丙舍想空錄鍾聞君干旄遍郊野坐徵文獻恢庠翼忽  
牽吏議呼對簿虞羅直欲烹鷓鴣白門僧舍笑相值高吟岸  
幘方岬嶮牛腰大軸在行篋南豐遺愛留諸生至今歷宦到

銀艾不忘下邑絃歌聲開圖彷彿見都講題句霜落鏗華鯨  
定爲朱邑起祠廟已看何武躋公卿青蠅至竟不可玷行當  
特詔膺藩屏刊江離使盛賓館矧以媼嫗聯轡纓移家甕  
借水部屋選勝屢醉康山觥紅瓊白雪不暇顧更迎坡老尋  
詩盟悲秋旅客亦何有酬知老骨猶孤撐匠石程林赦山木  
鉛刀代割羞青萍送君更望崇明德終賈盈 朝盡秀英

自臨川至崇仁道中

林端雨霽散烟鬟水抱村扉綠一灣却忍朝飢行十里笋輿  
才過米堆山

蔡書升

字漢翔德清人乾隆十九年進士有聽雨詩稿

梅花嶺懷古



元戎纔建纛南望陣雲高局上爭殘劫  
韞巾置佩刀杜鵑春自哭江水夜還濤  
碧血知何處荒原滿野蒿

春夜

花陰黯黯夜漫漫雙穗銀燈只獨看  
金屈戌移明月上碧琳琅動晚風寒  
心懸粉冷香銷後春向鶯啼燕語闌  
猶勝去年寒食雨五更殘角逐征鞍

訪王尊園遇雪翼日用壁間韻奉寄

飽經客况難廻首雪虐風饕我獨知  
忽憶去年元夜節紅泥亭下話分離

王甫上元夜與胡雪巖額上直入雪

日暮雲頭熨又開粉痕明滅點錢苔  
小虹橋外溪如黛二兩漁船打網回

葉佩蓀

字丹穎歸安人乾隆十九年進士官至湖北布政使有  
傳經堂集

蒲陽山房詩話丹穎覃心易理獨契微言昔易守四十卷凡昔人所言象數如卦  
氣爻辰納甲飛伏升降先天河洛悉歸去之惟互卦間有取者即陰陽老少七八  
九六之說亦所不取勃窣理窟冬前人所未逮詩其餘事也子同年工易者德山  
張君鳳鳴及君二人而已張深造自得允允於簪笏山即聊令官至兗州府却府  
乞歸今制士漢陽書院詩  
幣不調吟事故明志於此

望瑯琊山欲訪醉翁亭不果

滁陽青不盡山郭交相鮮連峯亘西南空翠紛聯綿瑯琊隱  
其內彷彿浮雲烟及茲廻俗駕屐齒阻層巔遙憶六一翁高  
致留林泉危構架幽壑飛瀑落門前蒼石既葱蒨醺溪流涓  
涓閒遂名僧舍時勞載酒船松竹一瀟灑嚶鳴方寂然西問  
見梅亭香雪當春妍繞亭千蒲葑卷葉小如錢昔遊久淪沒  
仰俯失黃絲悵望更回首野風吹帽偏歸尋醉翁吟跡遊託

冰絃遠慙太守樂近愧博士賢

正陽關

已入江南地開顏望水關孤舟清潁尾疎雨壽春山行路此  
身賤謀生吾道艱一聲柔櫓外卻愧白鷗閒

宿濰河田家

柳陌初歸鳥松扉暫解鞍真從田父語莫作使君看窻斷聯  
蛛網床喧近鳴欄羽書方夜急棲息敢求安

桐柏道中

柏子何年國蒼荒接楚邱村纔三戶聚族少百年留計畝秧  
論石桐邑小田畸零不成頃畝以種秧之多寡論價開山樹架樓尙隣生聚苦更忍急徵求

謁淮瀆廟

漢延熹間  
遷廟於此

漢時千年識故封復陽山郭觀齋官三川波合徐揚父

唐開元  
祠淮瀆

湖海詩傳卷十七

三

文蕩源三川

四望壇齊海岱崇

宋元豐立四望以祀岳瀆淮與海岱沂並

門對金

臺凝積翠沙沈鐵匱護靈風

禹禋淮沈鐵匱以鎮水怪在縣東十里淮河內人有觸之者輒致暴風雨

重憑胎

蠻邀神貺疵癘全消稔黍豐

自南陽赴新野查視軍臺午憩林水驛館見庭宇清

幽雜蒔花竹秋桂二株

河灣古驛繞雲莊日午停驂問草堂甘井延齡徵故事小山招隱對幽香農經細共高年語社酒忻逢樂歲嘗愧爾春陵風俗美迂疎真忝漫爲郎

自固廟鎮探淮井歷大復山而東峰巒環繞淮流清淺從中至淮河店漸廣境與隨州相錯

楚天秋淨鶴飛回繚繞行穿翠碧堆一線波盤江北去百重山壓漢東來沙邊虎跡新晴見樹杪猿聲薄暝哀更指吳雲

話歸路真從陽口片帆開

贈大梁張道人

隻影飄然淡世緣  
赤松子後散神仙  
休糧并絕燒丹火  
施藥常傾賣卜錢  
戶外高軒寧識姓  
市中老父不知年  
紅塵何處尋雲臥  
良岳遺邱小洞天

襄城

路轉青山楚塞分  
孤城臨水碧沄沄  
六王故塚埋荒草  
七聖迷蹤指亂雲  
園樹陰濃黃鳥隊  
汀荷瀾漫白鷗羣  
潁陽幽賞真堪隱  
愧遣塵纓濯綬綬

乙未歲除

瞥見桃符覺歲更  
官居如水晉陽城  
牆根雪自經冬積  
髮底霜從幾日盈  
嘿數行年周太乙

今所傳洛書乃太乙九官位也其數四十有五

漫逢佳節祝

長庚尊前且幸忘先後獨酌屠蘇對短檠

題紅心驛

一天梅雨晚蕭蕭十里蘋香萬柳條小巷匆匆乞漿去涼衫  
渡過赤欄橋

雨夜宿廣陵

淡雲披拂幾長條日暮雷塘半落潮正是行人愁絕處蕪城  
細雨近花朝

白苧春衫雨乍零隔船燈火幾星星一聲水調吳娘曲五度  
江南未慣聽

沈業富

字方穀號旣堂高郵人乾隆十九年進士官至河東鹽  
運使

蕭山房詩話：君性恬厚，於友朋武進黃仲明過河東，留之賓館，病中哀其諸作，抄錄成編，即無遺矣。又風俗有北齊所刻華嚴經，爲竹垞大史求而不得者，君遣工入山，募得一百二十餘紙，贈予。予西安蓋好事如此。竹西自午橋太史沒，詩壇寥落，君以詞休養，偕家居，望重士大夫，南北往來，必造門請謁。香山洛社之風，賴以不墜。

### 永豐寺有感農事

寺外斜陽郭外村，我來時已近初昏。一林黃葉啼山子，滿地青秧長稻孫。過客情懷逢竹院，閒農風味是柴門。一年辛苦鷄豚社，容易田家老瓦盆。

### 清流關

到來絕頂衆峰齊，百里巖關萬仞梯。牛背遠浮新漲滿，馬蹄平踏亂雲低。干戈宋代空殘壘，文采歐陽感舊題。記得醉翁亭上坐，十年陳跡久淒迷。

### 送秋

尙餘爽氣未經寒一日三秋話別難漫說小春時正好休將  
過客冷相看凋年景急愁偏遠落木天高路正寬忍負西來  
當日意爲隨新雁送沙灘

有感

荒深庭院蘚苔斑到處標題感舊顏落葉半填穿砌井夕陽  
斜倚對樓山敦槃當日爭雄長焦牧子今話等閒太息梁間  
飛燕子年年春盡尙知還

渡河

霜鬢添來此日多謾將心事託烟蘿疎星曙色分嶠嶺落日  
西風湧大河春到傅岩應作雨津開茅澗白橫波吳猷忽起  
鄉關思彷彿離筵一曲歌

次對琴韻



一彈指已去來今十日離憂抱此襟短杖未憑詩早到殘蟬  
初咽樹交陰青雲久悟浮生事白髮應無未了心便合香山  
共圖畫笑他淮海漫搜吟

題蕉陰默坐圖

晚涼深處葛衣輕獨向蕉林默契尋滿院綠天回遠夢半堦  
新雨澹秋陰未遑息轍風塵日肯負平泉草木心明發有懷  
更誰共坐牽題句憶聯吟

九月六日余禮耕羣玉山房讌集次瑤圃韻

沾來衫袖酒淋漓乘興還教更舉觴華髮心情非少日晚花  
風味是斜陽燈前詩卷從新讀霜後園蔬取次嘗莫訝深宵  
飛醉墨老年行樂更無方

曹學閔

字孝如號慕堂汾陽人乾隆十九年進士官宗人府府

### 丞有紫雲山房詩鈔

蒲陽山房詩鈔慕堂性情誠樸雖由詞垣慕讓歷任京卿未嘗繁心華靡暇輒與二三同志游潭陌旅廬香界及田歸諸勝景最堪從米雪中來往見者謂是神仙中人也作詩恬澹自然中諒論英特非依仿格調以爲之者君歿後令子御史錫齡戶部視高表彰不遺餘力故朱尚書石君爲墓志錢少詹院徵爲神道碑翁鴻臚單溪爲傳其見重於時賢如此

### 和王述庵同年鄺湛若硯

湛若名露漁洋山入所謂海雪畸人死抱琴者也工各體書亡命入廣西尋鬼門舊跡又爲孺女執兵符者雲蘿娘記室歸撰赤雅一編以紀其事其詩名嶠雅手自開鐫甚工此硯鐫天風吹夜泉五字又湛若二字并朱明洞天小印今爲述庵所藏

良硯古所珍奇士世罕有二者常相資米老石爲友王子真

天才瑰奇少匹羈文章荷

主知屢試輒居首所贊一片

石云出廊生手曾以草檄文軍令嚴千振南人鬼門關煒鄉  
爲祭酒指顧生風雲羣獠任犬噬倚馬得千言與腹兩無負  
寂寂百年餘落落埋塵垢君得自何年寶光騰戶牖娛客出  
藏珍瑩然置燈右能使筆如錐能令墨如黝斑剝有文詞依  
稀蚪與蚪黃琮白琥姿儼若玉色刮滑潤如波濤水接蟾蜍  
口由來自海雪畸才洵非偶得之重什襲珍之若佩玖湛若  
鍋其旁不比淮父占鵲此事從軍遂成三不朽滇海與蠶叢  
八年勞奔走想當決策時筆勢變蝸蟻指揮盡如意掉運儼  
食拇賴茲研磨功執訊獲其醜上將遂藏勲禮成 勞郊瓊  
弱質耀戎裝書生誇赴赴酬庸晉顯職卿月崇班九因君視  
益光寒芒逼星斗乃知世尤物能用在能守昔日佐雲輿僅

僅免覆瓿何如逢 清時得與俊父厚不願石鄉侯但願名  
垂後坐令金沙江風恬波瀾歸來雨雪霏依依念楊柳夜  
窻擁紅爐意不忘堂阜同心三五人賞之樽貳缶此硯多奇  
緣川之更勿苟願成平蠻頌鐘鼎同永久

書王芥子前輩涇渠志後

史志重河渠經術通治體須用讀書人尤貴識時士我讀涇  
渠志歷歷如聚米鄭白在當年豈不稱利美奈何後世人尋  
源不究委古今既異宜山川亦移徙但知耀其名不復問彼  
此遂使好事者披圖費條紀嗟哉萬夫役那堪試疑似百萬  
口嗷嗷一人功自喜纍纍涇渠岸巍巍豐碑峙唐宋及元明  
利害俱可指徵引既淹雅識力尤俊偉上下數千年分肌而  
劈理洞達古今情匪侈言導水不利以爲利其利斯大矣我

生 清晏時竊自愧思鄙歷考利病由暇然著前史紛更熙  
豐朝非不用周禮清靜載寧一其言出老子厚實與名高效  
或相倍蓰乃知聖人言長府何必改勿慕匡時才勿遺他日  
悔願言爲治者涇渠志誠慙

狄武襄公祠

飛射蠻疆聿擢穹碑紀績尙崔巍致身有具從行伍黥面  
無妨出將材談笑從容韜畧合儀形颯爽畫圖開蕭蕭松柏  
門堂路猶似崑崙甲騎來

故鄉祠貌嚴來散青史威名世共欽帳下孫張才孰並朝端  
韓富契偏深大勲屢向巖疆建浮議休愁末路侵一種深沉  
傳智勇要從慎密識公心

杜玉林

字寶樹無錫人乾隆十九年進士官至刑部侍郎

登雅州城樓

大渡河西畫角聲  
投鞭撫髀若爲情  
空慚司馬能傳檄  
漫說終軍欲請纓  
春盡林香猶作瘴  
雨餘山氣未全晴  
關心最是從征客  
雪沒弓衣夜斫營

癸巳六月間木果木之警

羽書一道報嚴更  
鶴唳風聲事可驚  
萬里不歸都護馬  
諸軍空望亞夫營  
狼心自是忘威德  
虎口憑誰寄死生  
衛國籌邊良亦苦  
昨來新築受降城

昔嶺巉巖血戰時  
幾人馬革裹還尸  
曾揮露布工籌筆  
雨纒着戎衣便死綏  
把歲故人悲倘逢遺僕煩頻囑  
莫遣深閨少婦知

范家相

字左南會稽人乾隆十九年進士官柳州知府有環淦軒詩草

維揚

綠楊城郭水初銷十里秋雲覆畫橋何事人間最惆悵月明風細聽吹簫

薛田玉

字璣叶無錫人乾隆十九年進士官保定府同知有問

澹軒稿

懷周亦庭太守

治獄如君少星曹舊有聲廿年纔出守六詔尙論兵菽水高堂夢風波宦海驚昨宵書一紙辛苦念平生

題朱荅泉讀易遺照

琴書寂寞草堂空，猶認平生戴侍中。  
早日才名看倚馬，暮年詞賦悔雕蟲。  
一編寢食梁施學，百里憂思魏晉風。  
聞說桐鄉今俎豆，莫將經術笑冬烘。

君爲大鎮令卒於官民爲祠祀

于宗瑛

字英玉號紫亭漢軍鑲紅旗人乾隆十九年進士官至  
監察御史有來鶴堂集

己丑九月與金香洲山中話別有贈

秋姿潛平野暮氣起蒼山林表月既白山中客欲還  
高情慰愁夕寒霜下松關揮手復塵跡心長雲木間

和慎菴將軍晚景卽事原韻

天末霜風落虛齋  
晚陰小山淒石氣野菊澹秋心墨續雙



鈎帖聲尋百衲琴主人不可及得句太蕭森

汪永錫

字孝傳號曉園錢塘人乾隆十九年進士官至內閣學士

烏兜驛

客館萬山中山居趣畧同白沙牛渡水丹嶂鳥吟風閉戶疑  
禪侶開簾問野童虔州何處是不辨路西東

南安

此去通南粵雄關地脈分水流皆碧玉山嶂入青雲曉日鳥  
排陣陰天虎嘯羣休言風土暖木葉已紛紛

游飛來寺

禪宮何事此飛來造物鍾靈亦壯哉水勢總趨滄海下山門

長對翠屏開二禺孰辨游仙路初祖還留說法臺不覺登臨  
動鄉思冷泉亭畔舊徘徊

李昌昱

字復且號渭川鄆縣人乾隆十九年進士官臨江府知  
府有畊讀堂詩草

偕尹松陵九日登陶然亭遲曹慕堂不至聞其令子  
秋闈得捷述懷柬寄

一生合得幾重九但是相逢開笑口故人不見踰三霜佳節  
依然此杯酒舍南直去陶然亭萬頃蘆花千樹柳高興還期  
直指曹風雨城邊空佇入令子常塲喜得盧賀客到門嗔被  
肘沉吟轉憶十年前禪燈共耐三更守今君喜氣鯉庭增牆  
角短檠猶在否我亦棲遲老作郎舊話休論芻化狗生平獨

數松陵豪笑注黃金等瓦缶浮雲去去莫關心落葉紛紛惜  
分手插花歸到已黃昏脫帽驚看俱白首明年此會不須約  
有酒仍來問升斗

韭

春園微雨後新韭夜來長青翠真供剪辛溫別有香洗根同  
白薤留客間黃梁儉食君無笑翻令感故鄉

劉鑾

字殷傳號公御保山人乾隆十九年進士早卒

蘭江古渡

迢遞滄江渡飛虹百尺雄雲梯開鳥道鐵索鎖蛟宮花色三  
春滿雷聲十里通天威思漢相萬古濟川功

周春

字松靄海寧人乾隆十九年進士官岑溪知縣

次湘管聯吟韻

無軒之居書連屋洛如花開傍修竹倩誰寫此高齋圖倪王

合作聯珠玉

宋芝山爲安邑夫子合刻陳附翁王華圖皆先見同年

我未披圖先展卷一編寓賞

盈尊綠

時以寓賞編見贈

當年朱卞兩中丞棠村江村與退谷後來鑒

古孰最精交口稱君工品目聯吟百首壓名流包萬荆賈胥  
編錄想見斯圖景色佳菊坡瑤鼻洗塵俗擬之漢上題襟集  
揮毫我獨慚已出風雅如君世所推其窺豹斑嘗憐肉讀罷  
新詩仍誦經牖外不聽三呼穆

鄧來祚

字永茲南豐人乾隆十九年進士

入華子岡同郡伯徐讓甫夫子作次謝靈運韻

新秋天宇淨策杖入姑山林壑鬱道氣虛空鳴石泉頗識靜  
者妙轉懷太守賢擷芳兼采秀越嶺復度阡紅蘭浸碧沼青  
杉生紫煙真人長已矣此道空蹄筌流光相代謝忽忽如彈  
丸不見百年內詎云千歲前仙壇雲繚繞丹竈水潺湲欲問  
蔡經宅臨風徒悵然

拜李泰伯墓

鳳凰山下路策杖弔孤墳地壓雙姑秀天開兩宋文水田餘  
落日山寺帶歸雲一辦平生意區區證舊聞